

申62

1

# 金瘡鐵扇散方



南京中醫藥大學圖書館版權所有

同治九年庚午春金陵方氏原刻

# 金瘡鐵扇散方

光緒三十四年戊申夏揚州務本堂重刊

板存務本堂 需藥者即赴務本堂請給



西京中醫藥大學圖書館藏

金瘡鐵扇散原序

乾隆丙子歲十月幾望陽曲縣民張成喜刃傷  
李登雲左耳根深八分餘又傷項頸橫長三寸  
血湧仆地氣絕邑令楊驗畢將去或曰曾微溫  
令乃顧眾曰誰能爲予救治者時有韓士勇曰  
能但治法與人異敷藥後必扇之邑令乃憶太  
谷縣民有剗腹腸出數寸者醫士盧福堯治而  
愈其法亦如之乃問曰汝藥得非盧醫所傳否  
士勇曰然遂令敷藥扇之須臾血止俄而蘇呻

吟有聲越日痂結霍然愈余聞之喜甚因念小  
民鬪很裂膚事所時有若療以良藥則所全實  
多是以

欽頒洗冤錄載有良方仰見

聖主矜恤民命無微不至余膺

簡命職在撫綏凡可登民衽席者敢弗仰體

聖慈多方補救今盧醫方藥起死回生屢效於世則  
流播豈容或緩因招之喻以故渠以托業於此  
靳弗與余曰苟可拯民之厄雖酬爾多金不惜





也伊乃喜諾且曰雍正年間得之塞外神僧年  
來救治良多因令照方修製遇傷輒試皆效爰  
厚贈廬醫刊其方以廣救濟云

乾隆二十一年仲冬穀旦山西巡撫兼管提督  
兵部右侍郎都察院右副都御史明德識

金瘡鐵扇散藥方

象皮五錢

切薄片用小火焙黃色以乾為度勿令焦龍骨五錢

生研老材香一兩

山陝等省無漆民間棺內數十年後有遷葬者棺朽另易新棺其朽棺內之香蠟即謂之老材香東南各省無老材香即

以數百年陳石灰一兩代寸柏香一兩

之其效驗與老材香同飛礬

之黑松香一兩

色者一兩

以上六味共為細末儲磁罐中遇有刀石破傷

者用藥敷傷口以扇向傷處搨之立愈忌臥熱

處如傷處發腫煎黃連水用翎毛蘸塗之卽消

撫晉使者長白明德再識

### 金瘡鐵扇散跋

余於庚辰歲秉臬金城每見愚氓忘身逞忿自蹈法網迨至對簿之時莫不追悔靡及余惻然憐之嘗謂人當受傷危急之頃若得良藥救治則所全實多會

明大中丞駐節蘭泉及出其鐵扇散授余并言效驗之奇惟藥中有老材香者產於晉頗不易

金匱要略  
得歲壬午

明大中丞重撫三晉而余亦奉

命屏翰此邦勤宣

德化之餘每製良藥以備不時救濟而老材香終不  
易購也癸未秋有紹協把總沈大潤字雨蒼者  
探親至山右自言昔年因公來晉於

明大中丞署得此方并藥以歸適餘杭有爭鬪  
刎傷者治之輒愈於是款門求藥者踵相接未  
一年前藥用盡而求者日眾雨蒼無以應欲照



中國醫藥大學圖書館版印

裁易文



金匱要略  
口壅土使水循故道不致冲刷復決也余謹之  
試以問老醫所論亦同爰令舉述已驗醫案數  
則附刻於後以爲治法指掌而

明大中丞仰體

聖慈購求方藥濟世之心愈以垂之不朽矣

乾隆二十八年七月穀旦三晉旬宣使者長白

文綬識



北京中醫藥大學圖書館藏

金瘡鐵扇散醫案

餘杭沈大潤雨蒼氏述

乾隆二十二年五月間沈雨蒼至晉得金瘡鐵扇散旋浙適有仁和縣民蔣姓因角口用刀自刎傷長二寸餘食桑半斷傷口冒血痛甚在地滾跌不能敷藥因縛其手足令臥涼地用枕墊其首使傷口漸合卽敷藥扇之少頃血凝半日後湯飲如常三日後全愈

又於六月間有錢塘民因角口忿激用剃刀自刎



金匱要略  
食喉半斷喘氣傷口俱有血泡蓋喉間之氣已  
通於傷口也用藥敷之扇少頃血卽凝兩目全  
愈

又於十月內杭州城守營兵沈姓因操演被簋牌  
兵用腰刀悞戳鼻梁山根俱斷斜傷眼角深八  
寸餘痛暈臥地敷藥扇之血凝兩日而愈

乾隆二十三年四月內杭城義烏寺僧人以巨斧  
砍柴悞劈腳背深入寸餘傷長三寸足背幾若  
兩半分裂其師夜半款門求藥敷之三日而愈



又於五月間有山西僧人孤身朝天臺山行至岷縣中途有賊尾至山僻持石擊其腦後僧人轉身回拒賊復擊其額角面顴頭顱等處骨亦有損者昏暈半日後漸醒赴縣喊稟因距被傷之時已經一日傷處冒風頭面腫大如斗雨蒼趨往救治先用黃連煎水洗去血迹以藥敷之因不流血未曾用扇兩日傷口結痂全愈

以上俱係老材香所製之藥救治全愈至乾隆二十三年五月前藥用完而求者日

金匱要略  
眾浙省素無老材香因卽以數百年陳石  
灰代老材香配藥試之其效亦同所有應  
驗醫案附列於後

乾隆二十三年七月有紹協右營兵丁因操演馬  
驚被踢下頰其齒牙半脫并於頰下能見齒骨  
暈絕臥地見者以爲必死雨蒼將藥敷後扇之  
血凝兩日而愈

又於十月間有杭城鳳山門門軍計姓向雨蒼求  
藥自言六月間墮城跌石上劃開左腿已爛百





餘曰視其傷口長三寸餘深寸餘潰爛有膿血  
卽用黃連煎湯洗去膿血用藥敷之因不流血  
未曾用扇其時天氣漸寒收效尤速一日而愈  
乾隆二十四年九月杭城羊市街有孀婦因角口  
用磁碗鋒自劃其面傷十餘條長俱四五寸流  
血發腫因卽以黃連煎水洗去血迹用藥敷之  
一日而愈

乾隆二十五年七月間紹協把總王九齡因救火  
悞踏椽木上長釘穿過靴底從腳心透出腳背

傷甚重其時雨蒼同在救火卽用藥敷之一日而愈

乾隆二十六年五月杭城大街名世坊前有楊姓  
劉馬草悞斷左手食指因甫經切下斷指尙溫  
卽令將斷指接連四面敷藥扇之少頃傷口血  
凝兩日後屈伸如舊

乾隆二十七年六月杭城有王姓者因爭鬪被人  
將刀刺面從左頰透出右頰血湧不止敷藥扇  
之血凝一日而愈

乾隆二十八年正月間路經大街見有十三四歲  
幼孩從高堦失足墮地將自佩煙筒悞戳入左  
腹深五寸許死地下雨蒼一手按傷口一手拔  
出煙筒卽以藥敷之血卽凝一日而愈

乾隆二十八年二月間杭城名世坊項姓因修屋  
倒塌被壓者十九人內頭面手足破傷者十二  
人時雨蒼將有山右之行罄瓶與之一日俱愈  
以上雖治法略有不同而其大旨則傷處  
喜涼惡熱夏月宜臥涼地冬月忌臥熱處